

## Инок СЕРГИЙ (ШЕЛОНИН)

ПОХВАЛЬНОЕ СЛОВО РУССКИМ  
ПРЕПОДОБНЫМ

Поидем словом проче, радуяся, во Афетовы части, в Великую Росию, в словенскии язык, на запады. И оттуду, Господу поспѣшествующу<sup>л</sup> и слово утверждающу, проидем веселяся, // сквозъ<sup>м</sup> царствующии град Москву, в съверныя и полунощныя страны, даже и до оток великого окияна, идѣже не позна солнце<sup>н</sup> запад свои. И оттуду паки возвратимся по южным и по восточным странам. Яко же обѣщахомся, исполним долг; лутче бо есть не обѣщати, нежели обѣщав соглати.

Начнем же повѣстовать сице.

Вѣм мужа Илии подобна: он бо огнь сведе, пятдесятники пожге и царя удиви<sup>о</sup>, сеи же дождь с небесе сведе, люди возвесели и торжествовати устрои. Ов убо вдовича сына воскреси<sup>п</sup>, сеи же царева скопца умерша востави<sup>р</sup>. Кто бо не вѣсть Варлама<sup>с</sup>, града оного “стоящаго верху горы и хотящаго убо утаити-ся”, не могуща же, трубы бо яснѣшиче чудеса оного оглашаху. Блажу аз Великии Новъград, таковое свѣтило произнесши, от младеньства шуяя миролюбных уклонившася части и десное добродѣтелем потекша течение. //

Каков же ли новыи Мартиниян<sup>т</sup>, не на плещу звѣреи морских прешед водное естество<sup>у</sup>, но паче естества по водам на камени, яко на корабли легцы, по морю и по рѣкам противу быстрии неизреченных от великого града Рима в Великии Новъград в третии день принесен бысть. И Израилеву бо исхождению<sup>ф</sup> и сие нѣкако подобно бяше: не<sup>х</sup> токмо бо<sup>ц</sup> они горкия работы свобожахуся, но и с корыстию исхождаху. Святыи же сеи

Окончание. Начало см. № 1(27) за 2001 г.

В данной публикации принято следующее оформление сносок: арабскими цифрами помечаются сноски, относящиеся к списку *A*, строчными буквами русского алфавита — сноски, относящиеся к списку *C*; римская цифра перед буквой “а” — порядковый номер употребления алфавита для нумерации сноск; нумерация продолжающаяся, все сноски расположены в подбор. — Ред.

<sup>л</sup>На полях сноска Лука, 114. <sup>м</sup>Испр., в ркп. скозъ. <sup>“</sup>Слово написано над строкой. <sup>о</sup>На полях сноска 4 Царств. <sup>п</sup>На полях сноска 3 Царств, 17; 4 Царств, 4. <sup>р</sup>На полях сноска Житие Ионы Новгородцкого. <sup>с</sup>На полях сноска ноябрь 6 день. <sup>т</sup>На полях сноска генварь 17 день — август 3 день. <sup>у</sup>На полях сноска сентябрь 13. <sup>ф</sup>На полях сноска Исход, 12. <sup>х</sup>В ркп. испр., первоначально было но. <sup>ц</sup>Слово написано над строкой.

© Подготовка текста. О. В. Панченко, 2001

не точию ерети чес тующих рук и тѣх навѣта свободы являемыеся, но и вданное тѣм в Римъ морю в делве сокровище в Великом Новѣграде преподобному вручаемыеся невредно, имъже великую киновию тезоименитую — юже не погрѣшиштъ кто, “пристаньце душамъ” нарек, — отсюду воздвиже. Не иного глаголю, но тезоименита великому Антонию.

Вѣмъ мужа тезоименита Саве Священному<sup>ч</sup>, на кийждо день умирающа, и воздуха // лютость, яко колесницу вмѣняюща, и Самому Спасу странствием поревновавша, и на столпъ восшедшага яко на крест.

Кто не удивится великому сокровищу духа Михаилу<sup>ш</sup>, кратостию звѣрогубительною блистающу, по оному законоположнику<sup>щ</sup>, пророческими же силами и чудодѣяніи различными украшена изрядно; новыи Аввакум явльяся<sup>в</sup> — не в ровѣ, но в келии заключенѣ невидимо обрѣтеся, силою Святаго Духа.

Или кто не вѣсть непоколебимаго столпа и необоримаго забрала благочестия — Евфросина<sup>ы</sup> глаголю честную старость; еретиков убо попалая явися аки огнь, и православным — рука помоши. Но яже о благочестии тоговы труды кто поне умом изслѣдит, яко в старости маститъ исправления ради благочестия догматов<sup>б</sup>, ли на пути шествия не облѣнися до Царствующаго града и обрѣте яко бесцѣнныи бисер, // еретики посрами, и скверная их уста загради, и студныя их языки яко огнем попали.

Кто же ли не вѣсть великое оно свѣтило — Сергия глаголю священнодушынаго, Крестителево житие имѣвшаго, во чревѣ матери трикратным проглашением Святую Троицу прославившаго, и от младых ногтей <sup>з</sup>в среду и в пяток сосца и млеча не причащающеся, и<sup>з</sup> в пустыню всельшася. Населитель пустыням и многим иноком отец, ихже он породи благочестием и воздержанием воспита; и не едину, но многи киновии созда, и тамо многы четы совокупль инок, пчелным сосудом мед добродѣтели устрои.

Кии язык исповѣсть того подвиги; кии ум достигнет дѣянія и видѣнія; кая уста представлят силы и чудеса и пророчества, и недугом различным исцѣленія! Но или в сих токмо велик, во иных же оставай? Вооружи князя на варвары<sup>ю</sup>, якоже Зинон — Елезвоя на Дунаса<sup>я</sup>, и того побѣ//дителя молитвою сопротивных створи.<sup>VII, а</sup> Колики свѣтила, якоже нѣкое небо, тоговы изнесощи киновии, колики учителя, колики пастыря!

<sup>ч</sup>На полях сноска октябрь 1 день. <sup>ш</sup>На полях сноска январь 11 день. <sup>щ</sup>На полях сноска Чисел, 16. <sup>в</sup>На полях сноска Даниил, 14. <sup>ы</sup>На полях сноска май 15 день. <sup>б</sup>Испр., в ркп. догмато. <sup>з-з</sup>Фраза написана над строкой. <sup>ю</sup>На полях сноска Книга степенная, ... (обрезано при переплете). <sup>я</sup>На полях сноска октябрь 24 день. <sup>VII, а</sup>На полях сноска грани 12 глава 7.

Воистинну праведный Иаков же бѣ — и он словесным овцам отец з Богом. Такова ему и спостника, строящаго обитель, иного послабѣ — цѣломудрена, аще кто ин, кротка, яко мало таковых. Яко Иисус Оседеков<sup>в</sup>, возвращься от заплненія, не люди в землю обѣтования вводя, и не Новзарданом<sup>г</sup> пожженную, но агаряны попаленую церковь паки в похвалу своему отцу воздвигая прекрасну велми, и инок четы совокупляя, законы и преданія отеческия тѣм предлагая<sup>д</sup>, и не грады тѣм языческия разрушати повелѣвая, и не камением прашь на них верзати, но тверди разрушати воздушных ратник, и молитвою на них, яко камением яростных прашь, верзати; и не гаваониты<sup>е</sup> поработиши, но лестныя помыслы самодержцу уму<sup>ж</sup>. //

Но и Феодора, анепсия Сергиева<sup>з</sup>, кто не вѣсть, стрыя своего подвиги подражавша, вмалѣ и сего лихоимствовавша архиереиства помазанием.

Како же не похвалам достоини Сава<sup>и</sup> и Андроник, спостники Сергиевы! Каковы свѣтила явишася, каковы лавры в похвалу своему отцу воздвигоша, и колики четы инок собраша, и каковы в чудесъх, подобно солнечным зарям, просияша!

Что ли Стефан чудныи и Афонасии великии<sup>к</sup>, двоица избранная чудодѣйственая и боговидная, ангелом сопричастная и Троицы любезная; оубо восточная, ов же западная, яко свѣтила великая, озаряюще; юнных премудрии обучители и наказатели, якоже древле Феоктист и Феодоси киновиарх<sup>л</sup>; не елена стрѣляти и снузником быти, но тѣло обуздовати воздержания труды и к мысленnoи крѣпко стояти брани, да в мягком и еще возрасте таковых вообычаившеся. И яко тѣх естеству срастово//рившуся натрижнению, во время борбы не ослабѣют.

Кто таково разсуждение стяжа от иже тѣлесныя страсти цѣлящих, якоже они — душевныя? Что к сих художеству Асклипиос, и Ипократ, и Галин? Они бо, телеса врачующе, душам погибель творяху; сии же, душа исцѣлевающе, соочищау и телеса, омывающе внутреннѣ скляницы<sup>м</sup>, по евангельскому слову, и вѣшнее чисто бываше.

Но и Димитрия<sup>н</sup>, Сергиева собесѣдника, кто не свѣсть, превитающаго, яко птицу по горам, по пустыням, изволяя жити со звѣрми, неже со человѣки во гресьх пребывати. Новый и Висарион, птичее житие имѣв, надеждею будущих благ, но и в ненаселенои многажды пучинѣ влятися изволив; в пощении,

<sup>б</sup>На полях сноска ноябрь 17 день. <sup>в</sup>На полях сноска 1 Ездры, 2. <sup>г</sup>На полях сноска 4-х Царств, 25. <sup>д</sup>На полях написан вариант полагая. <sup>е</sup>На полях сноска Иисус Наввин. \* На полях сноска Иоанн Ексарх. <sup>з</sup>На полях сноска ноябрь 28 день. "На полях сноска декабрь 3 день. <sup>к</sup>На полях сноска Житие Сергиево. <sup>л-л</sup>Фраза написана над строкой. <sup>м</sup>На полях сноска Матфей, 95. <sup>н</sup>На полях сноска февраля, 11.

яко Моисеи на горѣ<sup>о</sup>, лице душевное и тѣлесное имъ прославлено, показующи внутрь юду душевную чистоту. // "По рекшему: "Раззвѣли нас, раззвѣли", — овогда убо нѣкіх просвѣтляет и радоватися творит. "На того бо, — рече, — упова сердце мое, и помощник ми бысть"; и процвѣте плоть моя, и сердцу веселящуся — цветет лице. Егда прочее весь человекък како-либо срастворится любви Божии, тогда и вѣюду в тѣлесе, яко зерцалом некоем, показует душевную свѣтлость<sup>п</sup>. Сице прославляется Моисии, боговидец он, и не покрывалом, но куколем, прикрываше свѣтлость лица своего.

Но и другии, Павлу тезоименитыи<sup>р</sup>, по оному, себе весь распя, весь Христови быв, со звѣрми живыи, якоже Олимбовы горы житель<sup>с</sup>: ни покрова, ни храма имѣяше, но в утле древѣ, яко благопѣснивая птица на садовнѣ древѣ, молитвенныя пѣсни возсылаше к Богу; его же звѣрие добродѣтели стыдяхуся, от лютости воздуха в зимнии год согрѣваху того.

Такови спостницы Сергиеви // бяху, не иному кому, но токмо тому единому в содружество достоини <sup>т</sup>по союзу духовныя любвѣ<sup>т</sup>.

Что же ли великии он, посредъ человѣк ангел, священный Корнилие, Угорлица пустынолюбная<sup>у</sup>, или тоговыи спостник Геннадие, Фзвѣт пустынныи<sup>ф</sup>, — столпи рустии <sup>х</sup>и населители пустыням<sup>х</sup>!

Велик во отцах Нуромский пастырь, тезоименитыи<sup>ц</sup> Сергию чи собѣседник тому быв<sup>ч</sup>, и Григорие, и Касиян, и Евфимию с Харитоном, и Антониим<sup>ш</sup> со Амфилохием, и Пелшемский Григориеш<sup>ш</sup> с Дионисием<sup>б</sup> Кратким, досяжущем же небеса, — ихже во всю землю изыде вѣщание исправлении.

Кто ли не вѣсть нового Финееса<sup>ы</sup>, не Заамврию копием прободшаго, но самого диявола, жившаго во идоле Велесе, тростию сокрушившаго, от наперстника Христова Иоанна врученною, и крестным оружием в сосудѣх бѣсы печатлѣюща, и навѣты сих еже нань явленно обличившаго, — Авраамия<sup>б</sup> глаголю преславнаго, Богоявленскаго пастыря<sup>з</sup>.

Что же ли Кирил<sup>ю</sup> священный, Избавителевою Материю наставлен к постничеству? // Каков бяше сей муж, и колики ты-

<sup>о</sup>На полях сноска Исход, 34. <sup>п-п</sup>На полях сноска Лѣствица, слово 30. <sup>р</sup>На полях сноска генваря 10 день. <sup>с</sup>На полях сноска ноября 4 день. <sup>т-т</sup>Фраза написана на поле. <sup>у-у</sup>Фраза написана над строкой. <sup>ф-ф</sup>Фраза написана над строкой. <sup>х-х</sup>Фраза написана над строкой. <sup>ц</sup>Над строкой была написана, а затем зачеркнута фраза жития свѣтлостию. <sup>ч-ч</sup>Фраза написана над строкой. <sup>ш</sup>Над строкой сноска декабрь 7. <sup>щ</sup>Над строкой сноска сентябрь 30 день. <sup>в</sup>Над строкой сноска июнь 1 день. <sup>ы</sup>На полях сноска Чисел, 55. <sup>б</sup>На полях сноска октябрь 29 день. <sup>з</sup>На полях более поздняя пометка, написанная разбавленными чернилами Здѣ писати Авраамия Смоленского з большово столпца. <sup>ю</sup>На полях сноска июнь 9 день.

сяща приведе Господеви! Колики свѣща вжег, коликих душъ попечение имѣв, егоже добродѣтелию издалеча влекоми, различных родов человѣцы течаху, подобно еленем, “на источники водныя”. Сеи многи убо ревнителя быти науки, множаших же учителя показа, яко истинна глаголемая<sup>я</sup> яже о нем, списания прочитая и увѣсть, в них же многы убо ины досточудны увѣсть мужа.

Или тоговыи спостник Ферапонт: колики киновии воздвиже, колики четы инок совокупи! Недоумѣваю глаголати, ангельскаго требует, а не человѣческаго языка еже о нем слово.

Что же ли блаженства тезоименитыи Макарии<sup>VIII,а?</sup> Довлеет от самого начальства житие мужа познати, понеже ни гроб, забвения ходатаи, тоговы добродѣтели утаити возможе: знаменьми и чудесы обогащаць, трубы яснѣющи пропо//вѣдает мужа добродѣтели.

Но и другии каков, именем тому и жития свѣтлостию причастныи<sup>б!</sup> Яко вторыи Моисеи<sup>в</sup>чюдодѣйствуя, не фараона, но измайлиты удиви и люди горкия работы свободи<sup>в</sup>, непроходимую пустыню проведе и алчущая в неи до изообилия прекорми, гне манну и крастели одождевая, но чювственяя звѣри, живущая в пустыни, тои на пищу тѣм молитвою представляя<sup>г</sup>.

Или кто не вѣсть нового Моисея ефиопа, тезоименита побѣдителя бѣсом и тѣх прилог, — Никиту<sup>д</sup> глаголю, столпа непоколебимаго подвига, постничества и мученичества вѣнцем увѣзена, во обоих добльствовавша: восходом еже на столп, яко на крест возшедша, благоразумному разбойнику поревновавша; показующа, яко к борению воздушных ратник совлекся, и не на земли с ними сплется, но паче он ко онѣх срѣтеню возшед, с Давыдом поя, яко “мнози борющеи мя свыше, в день не убоюся”<sup>е</sup>. Что не хотяще показати, в мужа свершена доспѣв, и в пучину неизслѣдимыя премудрости Божия вшед, и глубину разсуждения стяжав, // и крѣпчаши коснувшись борbam, всяко премирен нѣкiiи, а не земен глаголатися хотяще.

Но или не подобен Кармиленину оному Илии иже древний Соловецкого отока вселник Герман<sup>\*</sup>? Кто поне умом тоговы добродѣтели изслѣдит: не колибу, не кущу, не хлѣвину имѣя, но мѣста от мѣст измѣнья, и горам верси, яко горлица пустынелюбная прелѣтая, беспокровен пребывая, неясыти подобно пустынной; но и та на времена устраяет гнѣздо ко изведению птенцов, Герман же величеством горы множицею доволен бяше,

<sup>я</sup>Последняя буква приписана на полях. <sup>VIII,а</sup>На полях сноска март 17 день. <sup>б</sup>На полях сноска июль 25 день. <sup>в-в</sup>Фраза написана над строкой. <sup>г-г</sup>Фраза написана над строкой. <sup>д</sup>На полях сноска май 24. <sup>е</sup>На полях сноска псалом 55. <sup>\*</sup>На полях сноска июль 30 день.

Богови предстоя выну умом и душею и сердцем, жертвеник свое тѣло сотворив, в немже жряше жертву хваления, Аароновы жертвы богоподобнѣши и честнѣши.

Вѣм нашего Авраама — не толико оставльша, елика древний Авраам, и не от земля своея исшедша токмо, но и от самых чувств, и бывша наслѣд//ника, ради преселения, краиняго безмолвия — онои земли, юже Господь кротким обѣща; яко не иного, развѣ Саватия<sup>3</sup> нарицати “устав и предѣл безмолвию”, звание от дѣл приемша.

Слышах на востоцѣ быти нарицаемы “блаженных островы” и приближатися ко иже во Едеме раю, и на западѣ — горы Афонъский остров, онѣх блаженством превосходити. Аз же вѣм на полунощи во окиянствѣ пучинѣ Соловецкий оток, жителя имѣвша священнаго Зосиму<sup>4</sup> — нового законодавца<sup>5</sup> Моисия, таинам неизреченным видца, столпом огнезрачным, досяжущим от земля до небеси, озаряема, назнаменующе мѣсто, идѣже киновии здатися, и церковь превелию, яко же скинию, на воздусѣ висящу, идѣже еи подобно бѣ водрузитися.

Также в зимнее время потребным оскудевшим, и гладом стѣскнѣваему, понеже далече от вселе//нныя и человѣки всячески непроходно и неутѣшно и жестоко бяше мѣсто, чувствено ангелы, аки человѣческим видом преображеные, пишу тому принесоша, хлѣб и муку и масло, яко древле египетскому Аполлонию<sup>6</sup>, яже на многи дни довлѣти тому до изобилия.

Но и пророческих сил и тѣх дарования, видѣнни и откровенни, исполнен: в Великом Новѣградѣ у нѣкоторая синклитики на трапезѣ возлежа, — <sup>Мо</sup> чистых очиу зрѣние!<sup>7</sup> — зрит возлежащих с ним на трапезѣ предних синклитик пять, а глав на рамѣх своих не имущих, яже збышася во время свое.

Колико же благ тому Бог бысть, и колики благодати наполни того Прещедрыи, колико милостив тому бывая Всемилостивыи, како того благослови Всемогии, тогоже и чадом благословения препосла, и толико милостивно преподаде — и смушающимся тѣм — терпѣти, и не отъяти от них благословения, раба Своего ради; или кто достоинъ // и прилѣжным покаянием себе очистит или, не покаявшуся, праведному суду сохранится — отдать достоиная муки, прямо своему смущению.

Едину и еще успѣшну блаженного сего трудника добродѣтель воспомянув, яко же из рая исходжу, паки неудобренная и не неуспѣшна вам терновная бранія предложу.

<sup>3</sup>На полях сноска сентябрь 27 день. <sup>4</sup>На полях сноска апрѣль 17 день. <sup>5</sup>В ркп. испр., первоначально было закодавца. <sup>6</sup>На полях сноска Патерик египетский, глава 6-9. <sup>7-м</sup>Фраза написана на полях.

<sup>н</sup>В девятый день по успении живоносного мертвца, ревнитель съи жития отча, якоже именем, тако и чистотою и боговидѣнием Даниилу подобен, остав токмо пророчества даром, якоже он — иночества, зрит умнѣ число преходяще среди монастыря и по воздуху синцов, яко дыму мрачну; мняше же и своего отца прийти к нему и глаголати сих нечистых тмообразных лукавых бѣсов избѣгшу и многопростертых по<sup>о</sup> воздуху сѣти их помиловану быти Богом, и к преподобным в чину вчестися. //

По третием же лѣте Тарасиеви мниху, частѣ ношию в гробницу отчю молитвы ради любовию привлачиму, иногда по обычаю во едину от нощи шедшу во гробницу отчю, видѣвъ покровную гроба дску на страну мало здвигнувшую и скут порта от гроба висящ; приходит опрятати скут он и направити дску, видаше же тѣло преподобнаго от земною боку возшедше и со землею равнѣ лежаще, лице же и руцѣ откровенѣ и свѣтом блещащеся, истлѣния всячески измѣнены; время немало уже по погребении прешедше, висящии же скут мантии бѣ.

Рдияку же благоговѣину единыя церкви сел, иже в примории, любящу преподобнаго отца, в супружнику лют бѣс восходит, мучаше ю. Совѣт же добр // совѣщав, поем тую, к мощем отца ввозит, и затворив едину в гробницы отца Зосимы, в Саватия преподобнаго гробницу сам отиде, теплѣ у знаменоносную отцу Саватия же и Зосимы исцѣления того супружницы прошаše. И внезапу велми возопившу жену слыша, теком, приходит к ней в гробницу отца Зосимы, обрѣте тую на земли повержену и безгласну, юже поим, в церковь Богоматере входит, идѣже от священника священною водою окроплена бывает и честным крестом знаменана, очищается лукаваго духа. И вся здрава аbie бывши, повѣда глаголя, яко внегда затворенѣ еи у гроба цѣлбочнаго Зосимы теплѣиши слезами молитися исцѣление получить, став же пред нею высок и злолютен нѣкий синец, // великим древом во главу ея порази; тои же ужасшия, велми во запити и на земли<sup>с</sup> пасти. Нѣкогда же возведши очи, видѣ из гроба отца исходяще<sup>т</sup> и до нея дошедша, своею мантиею лице еи отирати начинающа, представша же ту аbie и отца Саватия, и реши к ней: “И мене како, о жено, не призываeshи помошти; еда не вѣси, яко едино есвѣ оба?”.

Что ли много исчитати чудес знаменоносных отец, недостает ми жития моего время, повѣствующа; звѣзды небесныя и

<sup>н</sup>На полях сноска Патерик Соловецкий, глава 10. <sup>о</sup>Слово написано на полях.

<sup>п</sup>На полях сноска Патерик Соловецкий, 23. <sup>р</sup>На полях сноска Там же, 27. <sup>с</sup>Испр., в ркп. зелми. <sup>т</sup>Испр., в ркп. исходяща. <sup>у</sup>На полях сноска Слово похвальное Зосимѣ.

песок морскии любопрящуся исчести — бывающая от них исчитьтати есть, елико во отоцѣ, и яже в мори, и иже в примории; не токмо же се<sup>ф</sup>, но <sup>х</sup>и на<sup>х</sup> далная мѣста, призываими, посѣщают. //

Мои бо, аще и не у мене, но обаче мои; да отбѣгнет зависть, вѣдущим глаголю: изволение бо любви, а не мѣсту разстояние да судится, такова бо есть сила любви<sup>ц</sup>. Иже воистинну любяи, всегда лице любимаго мечтается, и то сладостнѣ объемлет; таковыи ктому ниже во снѣх от желания умолчавати может, но и та-мо к желаемому бесѣдует; сице о телесѣх, сице о бестелесных обычѣ бывати<sup>ч</sup>.

<sup>ш</sup>Тако мои вѣнчницы подвизашася, сие натрижнение моих подвижник, такова тѣм благодать даровася. По успении бо блаженного отца Зосимы окрест окияна живущии невѣрнии языцы озаряеми бывают изливающимися чудесы от мощей его, и яже в мори обуреваемых и бѣдствующих // постизающими знаменьми извѣщеваются; наипаче же чародѣянни — тѣх упражнением, именем Саватия и Зосимы Соловецких отец, и иже от них удивляемых бѣсов прогнанием; на разум возведшеся мноземи лѣты, яко в пятьнаесят лѣт взыти году и неразумным удивлятися знамением и силам преподобных. Единодушно вси живущии неразумнii людие к просвѣщению притекоша, и вси быша овчата Христова, иже прежде дивии звѣрие; прогнаша бо ся чародѣйства, и все бѣсовское мечтаніе исчезе; водрузиша церкви во имя Господне, возградиша жертвеницы нескверни<sup>и</sup>, чистотнii же паче, и освятиша Богови, тщанием и подвигом “блаженству” тезо//именитаго архиерея, даже и до варяжскаго нѣкоего града именемаго Варгав, идѣже солнце не познава<sup>в</sup> запад свои.

Освятиша же ся и людие в них Господеви, просия чистота вѣры православные; прочее неразумнii людие — сынове свѣта, “язык свят, царьское священіе”<sup>ы</sup> устроются. Тако прещедрыи Господь дивно содѣла им спасение Свою благодатию и Своего раба одари; и толико тому благодать дарова, яко и тѣх привлещи ко истиннѣи вѣре; ни разстояние мѣста, ни пучина моря возбранити возможе неразумных спасению. И сего натрижнения Зосима вѣнец приемлет от подвигоположника Бога, того бо вѣра — вина неразумных спасению; по мѣре вѣры прият дары, и исполнение дара убѣди тѣх на благоразумие, егоже // исполненію слуга “блаженству” тезныи бысть.

<sup>Ф</sup>Слово написано над строкой. <sup>х-х</sup>Слова написаны над строкой. <sup>ц</sup>На полях сноска Богослов, слово 2, стих ... (срезано при переплете). <sup>у</sup>На полях сноска Лѣствица, слово 30. <sup>ш</sup>На полях сноска Слово похвальное Зосимъ. <sup>щ</sup>На полях написан вариант нескварни. <sup>ъ</sup>В ркп. испр., первоначально было позна. <sup>ы</sup>На полях сноска Петр, 58.

Доздѣ убо по сѣверным и полунощным странам по частем Великаго Окияна с наставлением Духа трудившеся, достигохом до предѣл варяжских, и вѣтрила слова спустивше, понеже возвѣя противен вѣтр латынъский прелести, возопихом в печали нашей к могущему спасти нас Богу, яко же тревечернии пророк<sup>б</sup> из чрева глубинного лва, или яко ученицы ко Иисусу: “Наставниче, спаси нас, погибаем<sup>в</sup>! Да не потопит нас буря латынъские прелести, ниже пожрет нас глубина итталийская ереси, ниже сведет о нас ровенник уст своих римъского зловѣрия<sup>ю</sup>!” — и вѣтрила воздвигше, возвратихомъся въспять к южным и восточным странам. //

Ия возбѣгше из глубины, на цѣлу землю возшедше<sup>IX,а</sup>, и<sup>б</sup> яко<sup>в</sup> инѣх постигоша ны святых чудеса, яко нѣкаки волны, частыми и пособными вѣтры<sup>г</sup> возгрузиша<sup>д</sup> слово наше; но и чудитися имам, аще да не болшими яже на земли чудеса суть, мысль наша побѣсѣдовавши паки, яко Иона<sup>е</sup> в море отбѣгнет. Ум же мои, впад в недовѣдомая чудеса, забы нагодимую мѣру и тожде сотвори, яко же се: по ширинѣ морстей гребца, кораблем пловуще, и не имѣюще о<sup>ж</sup> чесом замѣрити, не разумѣют другоицы, колико суть преплыли, — еже и во мнѣ бысть: текущу словеси по повѣстех святых, не разумѣти ми<sup>з</sup> множества глаголанных словес<sup>и</sup>.

Не презрю же<sup>к</sup> из слова вѣнец настоящим змаагдом украсити: вѣм Александра<sup>л</sup>, // чудесем самодѣственика и великих откровении видца; жестокую оную же об он пол великаго езера Онега и неутѣшимую пустыню жилище доволна лѣта имѣвшаго, в неи же и великое оно, и паче человѣка, видѣние узрѣ, <sup>м</sup>якоже Авраам: в трех Лицех Бога, человѣческим образом пришедшя к нему, и не Исаака ново рождение благовѣствующу, но церкви во имя составнаго Божества водружения повелѣвающа<sup>м</sup>, — превосходя же иная его<sup>н</sup> видѣния, елико солнце звѣздная сияния.

Что же свѣтозарная звѣзда, новый Авраам, — Евфимия<sup>о</sup> глаголю благодушнаго, от востока на запад пришедшя, // и всю

<sup>в</sup>На полях сноска Иона, 2. <sup>в</sup>На полях сноска Матф., 27. <sup>ю</sup>На полях сноска Псалом 68. <sup>в</sup>В ркп. испр., первоначально было но. <sup>IX,а</sup>В ркп. испр., первоначально было возбѣгнем. <sup>б</sup>Слово написано над строкой. <sup>в</sup>В ркп. испр., первоначально было како. <sup>г</sup>На полях написан вариант востоки. <sup>д</sup>В ркп. испр., первоначально было погрузиша. <sup>е</sup>На полях сноска Иона, 2. <sup>ж</sup>Слово написано над строкой. <sup>з</sup>Слово написано над строкой. <sup>и</sup>На полях сноска Иоанн Ексарх, сл. 5. <sup>к</sup>Слово написано над строкой. <sup>л</sup>На полях сноска август 30 день. <sup>м</sup>М В ркп. данный фрагмент написан рукой старца Сергия поверх зачеркнутых строк отвезсту убо и свиваему небу, Иисусу же одесную Отца сѣдящу в присносущнѣ и единосущнѣ Отцу и Духу Божества славѣ же и власти; точно убо сие иже на крещении Господни Иоаннову (доб. над строкой и Стефанову) видѣнию, понеже и тамо разводящимся небесем свѣдѣтельствоваше крещия Его Отец, и на сроднаго Дух схождаше. Стефанову же согласно откровению (На полях сноска Деян. 17). <sup>н</sup>Слово написано над строкой. <sup>о</sup>На полях сноска Апрель 1 день.

страну осиявшу чудес зарями, "собѣсѣдника чудному Сергию, и того подвигом подражателя".

Вѣм Пафнотия<sup>Р</sup>, Боровскую красоту, сна потоцѣ низ<sup>с</sup> обитель сотворша, и число довольно ученик собравша, и сих учаща от низости земныя<sup>т</sup> на небесную преселятися гору, еже и сохраниша блаженни.

От них же есть первыи и досточудныи Иосиф<sup>У</sup>, цѣвица Духа и гусли духовныя, благочестию твердыи адамант: биющих нечестивых хулными словесы тои паче своими писании сокрушаще, свою же твердость Православия вѣры непреложну храняше.

Что же богословеснѣшии Максим, ему же порекло от своего отечества Грек, новыи Богослов, остав токмо священства помазания, истинныя любве дѣлатель и учитель, и на самыи тоя верх доспѣвыи, и в Бозѣ быв, Бог бо любы есть<sup>Ф</sup>.

Что же Пребожественныи // Троица великия трубы, евангельския вѣтия, иже, по двадесятих, трие апостолы?

Петр<sup>Х</sup> убо, тезоименитыи верховному, воистинну камень вѣре, и утвержение всея Росии церквам.

Алексиес<sup>Ц</sup> же, доблестvennyи помощник и ходатаи непреложныи, якоже Павел<sup>Ч</sup> — не от человѣк, но от самого Бога звание свыше прием, и яко крилат<sup>Ш</sup>, по Павлу, не от Иерусалима до Илирика протече, но от царствующаго града Москвы во Орду ко царю ногама безлѣностным дошед — о ликовниче! — и тамо чудодѣствуя, невѣдущи Бога царицы сладкии очио свѣт да-рова; знамения же исцѣленія сего имыи запаленую свѣщу еферским огнем у гроба святаго чудотворца Петра. Что же воздарение исцѣленія сего приемлет? Ни злато, ни сребро, но мир церквам и смиреніе людем. //

Ионаш же “голубь” в лѣпоту именовася: безтрудно, якоже исковчега, от царствующаго града Москвы прелѣтѣвши морскую пучину до Царствующаго града и тамо архиереиства саном хиротонисася от ту сущаго первопрестольника. Возвращая же ся ко отечеству, яко голубь к Ною в ковчег, не потопа воды умаление благовѣствуя, но потопа еретическая прелести; не сучець маслин во устѣх нося, но вѣры благочестия в триипостасное Божество предание непоколѣбимо.

Что же вторыи Арселайт<sup>Б</sup>, — Иванна глаголю, преименован-

<sup>п-п</sup>Фраза написана на полях. <sup>Р</sup>На полях сноска май 1 день. <sup>с-с</sup>В ркп. испр., первоначально было на горѣ высоцѣ. <sup>т-т</sup>В ркп. испр., первоначально было от высоты земныя горы. <sup>У</sup>На полях сноска сентябрь 9 день. <sup>Ф</sup>На полях позднейшая помета рукою старца Сергия, сделанная несколько более светлыми чернилами Здѣ пиши съ столбца о юродивых. <sup>Х</sup>На полях сноска декабрь 21 день. <sup>Ч</sup>На полях сноска февраль 12 день. <sup>Ч</sup>На полях сноска Дѣян. 21. <sup>Ш</sup>На полях сноска Коринф. (резано при переплете). <sup>Щ</sup>На полях сноска март 30 день. <sup>Ч</sup>На полях сноска Патерик синаиский, 165.

наго Илью<sup>ы</sup>: не помыслив токмо, но чювьственъ на диявола, яко на уготован конъ, всѣд, и в единой ноши обрѣтесь во Иерусалимъ во святѣм Воскресѣнии; и поклонився животворному гробу Христову, и паки то же ноши без труда обрѣтесь в Великом Новѣградѣ. //

Что же за сие сопостат наводит? Взести на нань народы, яко на блудника: сам, скверныи, преображен в дѣвицу, видѣн бысть та-ковы имущим очи. Народи же, яко от вина изумлени, ярости наполнишася, сведоша его со престола, и посаждыше<sup>в</sup> на плот, пустиша по рѣцѣ по Волхову вниз. Но и ту абие<sup>з</sup> молитвеная сила чюдодѣиствоваше: сам о себѣ плот, никимже направляем, устремися противу быстрин неизреченных вверх рѣцѣ Волхову.

Вѣм Никиту<sup>ю</sup>, тезоименита побѣдителя бѣсом и страстем, фараона высокаго и гордаго побѣдивша, и египтяны подавивша, и сих первородная — о великому натрижнению! — умертвивша, и в песцѣ смирения натрижнение сѣкывша, и тричастное души совершенъ<sup>я</sup> очистивша<sup>х, а</sup>; тѣмже ему и Господь людии Своих, ихъже искупи от работы мысленаго фараона честною Свою кровию, попеченье // и наставление ввѣри яко непоколебиму; ихже он без устрашения, яко Моисѣи на горѣ простертием рук молитвы, чювственных амалик<sup>б</sup> еретических навѣт невредны сохрани.

Что же ли новии самовидцы Слова и слуги, иже на освященіе церкви Богородичнои Печерской<sup>в</sup>, не яко же тии на погребение Богородицы облацы, но ангели восхищени, обрѣтощася со архиерѣом Иоанном вкупѣ ко освященію церкви, якоже апостоли с Петром к погрѣбению тѣла Богородична; от них же есть первыи в чину, имя и дарование велегласнаго пророка Исаии имыи пастырь Ростовский<sup>г</sup>, Иоанн Черниговский, Антоний Юрьевский, Лука Белоградский.

Каков же и Леонтьи<sup>д</sup>, Богом послан в Ростов — якоже Матфеи в человѣкоядцы — в звѣроядцы, человѣческ токмо состав имущим, словесною же частию душа никакоже Бога почетъшим, // но чрево бога имущим и бѣсом жертву приносящим. Претерпѣ же и тои от них, якоже Павел, каменное метание и изгнаніе множицею, но свыше оболькся непреоборимую силою всесилнаго Параклита, яко лев уповая хождаше<sup>е</sup>, доныдже их суровство во овчюю кротость преложи, и порожнением бани бытия сыны свѣту показа, и, вмѣсто идолопоклонников, святыя и

<sup>ы</sup>На полях сноска сентябрь 7 день. <sup>в</sup>В ркп. испр., первоначально было посаше.

<sup>з</sup>Слово написано над строкой. <sup>ю</sup>На полях сноска Патерик печерский, 25. <sup>х, а</sup>Слово написано над строкой. <sup>х, а</sup>На полях сноска Лѣствица. Слово к пастырю. <sup>б</sup>На полях сноска Исход, 17. <sup>в</sup>На полях сноска Там же, глава 6. <sup>г</sup>На полях сноска май, 15 день. <sup>д</sup>На полях сноска май 23; Патерик печерский, 12. <sup>е</sup>На полях сноска Притчей, 28.

единосущныя и нераздѣлимыя Троица поклонники сотвори; и апостольким дарованием сподоблен бысть, и по смерти не-тлѣнием тѣла почтеся.

Что же ли чудный Стефан<sup>\*</sup>, добрыи приемства вѣнец, иже не токмо постническим дѣланием и священства помазанием доволен бысть, но к сему и апостольское приложи: яко же вторыи Фома явлься Пермьской странѣ, и неудобъ уловляемыя человѣки, ради богатства и славы земныя, премудро // уловив, и отложением временного царства вѣчное тѣм исходатаив царство.

Обрѣтаю студных жерцов от Илии закалаемых<sup>3</sup>, и Агата — от Самоила мечем умерщвляем<sup>4</sup>, и сатанина первенца сквернаго<sup>5</sup> жерца Алексѣя<sup>6</sup> — от крѣпкаго слова премудрости Генадиевы закалаема и умерщвляема. Погна бо тои еретическая полки, яко же Гедеон — мадиамы<sup>7</sup>; и предстателеи сонмицы сея, жидовъская мудрѣствующих, не яко же Иисус Наввин пяти<sup>8</sup> царей закла<sup>9</sup>, но обругав вѣчным студом и “сатанино воинство” нарек, назнаменовав на шлемъх их, огню всеядцу пищу сотвори. Предаст церкви благочестия догматы, удиви царя своею ревностию, яко же Илия Ахава<sup>10</sup>, и Царя боятися науки, иже единого естеством царствующаго.

Имам нынѣ рещи такова человѣка, Адама онаго цѣлѣши, премудро // почетша еже по образу, и добрѣохраньша еже по подобию цѣломудрие и чистоту, по древнему Иосифу<sup>11</sup>, на ню же, яко же на нѣкую огненую колесницу, по оному любочистотному Илии<sup>12</sup>, востекъша ногама нелѣностными; еюже, и паче яко никими же инѣми, приближатися Богови можем, пречистому же и всякого безстрастия Дателю же и Помощнику и преставляющему с тѣм от земля на небо иже и на земли и еще сущих<sup>13</sup>. Источи Моисеи в пустыни воду ис камени преславно и израильтом жажду устави естествену<sup>14</sup>, сеи же миро во гробѣ от мощей искипѣти сотвори благовонно, язвы неизцѣлныя и недуги различныя цѣля, — не ин кто, но тезоименитыи Гурию, страдалцу Едесскому, пастырь же Казаньский<sup>15</sup>.

Евфимиева<sup>16</sup> же уста медоточная источиша рѣки учения, згорѣвшая грѣхи // напоиша сердца; превзыде бо Моисеову пѣснь припѣваньми<sup>17</sup>, и ликования Мариамина баснена вмѣни-

\*На полях сноска апрѣль, 27 день. <sup>3</sup>На полях сноска 3-х Царств, 17. <sup>4</sup>На полях сноска 1 Царств, 15. <sup>5</sup>Испр., в ркп. свернаго. <sup>6</sup>На полях сноска Иосиф Волоцкий на новгородских еретиков. <sup>7</sup>На полях сноска Судеи, 7–8. <sup>8</sup>В ркп. испр., первоначально было седми. <sup>9</sup>На полях сноска Иисус Наввин, 10. <sup>10</sup>На полях сноска 3-х Царств, 18. <sup>11</sup>На полях сноска Быт. 41. <sup>12</sup>На полях сноска 4-х Царств, 2. <sup>13</sup>На полях сноска Лѣствица. Слово к пастырю. <sup>14</sup>На полях сноска Исход, 17. <sup>15</sup>На полях сноска октябрь, 4 день. <sup>16</sup>На полях сноска март, 11. <sup>17</sup>На полях сноска Исход, 14.

шася<sup>4</sup>, и нарекоша ся Орфеова неуспѣшна и неполезна пѣсно-  
пѣния<sup>5</sup>.

Иже Филиппа апостола почтен именем<sup>6</sup>, и престолом<sup>7</sup>, и  
страданием, свое отчество освятив своею кровию, о паствѣ сво-  
еи усердно излия, якоже другии Златоуст, <sup>8</sup>возрази того яростъ,  
обличи неистовство. Что же за сие обличие приемлет? Не якоже  
Амбrosии — почесть от царя, но якоже Златоуст — с престола  
неправедное изгнание, и заточение, и смерти томление<sup>9</sup>.

<sup>9</sup>Что же ли новыи Елиозар, якоже другаго сквернаго Антиоха,  
посрамив римъския ереси представителей? Кто Гермогенову пре-  
мудрость излаголет? Не в пустѣ бо мѣсте постничествуя и ко  
лвом сопротиворство творяще, но в царствующем градѣ, яко  
ко лвом, лютѣ рыкающим на Православие, расхитити тщащим-  
ся, римския ереси представителем ополчашеся доблестенъ; и  
сердце убо их словесы, искованными Утѣшителевым огнем, //  
наощренными же животочнаю водою, яко триизощренными ко-  
пиами, мои прободаше трихраборник.

Каков же ли Триипостаснаго Божества слуга, огненный ум,  
тезоименитый Марку евангелисту, иже Тимоѳѣев престол укра-  
шая во Ефесѣ<sup>10</sup>? Якоже огнем, дыхнув Утѣшителя благодатию,  
попали осмыя латынъския сонмицы блядословие; возгрѣмъ, яко  
златокованная труба, Троицу непременную, существо же и Бо-  
жество; посрами, якоже втораго Македона, римскаго папу, низ-  
ложитель латыном и похвала православным.

Что же ли небесокованныи мечь, треми зарями наощрен  
на брань, Трисиянънаго Единаго Божества, — сѣкира ере-  
сем, Селунъский бодрыи пастырь Григорио<sup>11</sup>, Духа Святаго  
арган, бряцанием своих словес заущая латыном блядословная  
уста // и нѣмы истуканны творя о происхождении всесилнаго  
Параклита, единаго нераздѣлимъя <sup>12</sup>Святая и Единосущныя<sup>13</sup>  
Троица.

<sup>11,12</sup>Что же много сих исчитати<sup>14</sup>, но и самодержцы<sup>15</sup>, в домах  
царских пребывающе в пищи и в могутствѣ и во всяком изоби-  
лии и пространствѣ, вся сия яко уметы вмѣнившe, Небесное  
Царство получити желающе со ангелы в невечернем свѣте, душевное  
благородие, еже по образу и по подобию, невредно со-

<sup>4</sup>На полях сноска Исход, 14. <sup>5</sup>На полях сноска Богослов, слово (обрезано),  
стих (нрѣб.). <sup>6</sup>На полях сноска декабрь, 25 день. <sup>7</sup>Слова написаны над строкой.  
<sup>8-9</sup>Текст написан на полях. <sup>8</sup>На полях сноска 1 мая. <sup>9</sup>На полях сноска Книга  
Степенная моск. грани 14. <sup>10</sup>На полях сноска ноябрь 5 день. <sup>9-10</sup>Слова написаны  
над строкой. <sup>11,12</sup>В ркп. испр., первоначально было Не токмо же предвспомяну-  
тии вси, жития свѣтлостию восияша на земли. <sup>12</sup>В ркп. вычеркнут следующий  
фрагмент и жены, слабѣшишая часть, на мужество преложиша, огнем усердия  
исковавшуся тѣх естеству, крѣпча идола мѣднаго и желѣзного явишася.

блюдше, очистиша якоже назаряне<sup>в</sup>, просияша паче злата, и паче камене сапфира<sup>г</sup>.

<sup>д</sup>Кто прочее доволен постигнути к толицѣ высотѣ преподобных отец, и толико множество // обияти умом, и имена онѣх, купно и исправления, представити словом? Никтоже. Исправления бо тѣх вселеннѣи суть свѣт, и имена тѣх написана в книзѣ животнѣи стоят; тии же со ангелы причащаются непостижимыя оноя и блаженныя славы.

Сии звѣзды нелестныя явишася человѣком, небесныя оны и сиянием и течением превосходяще: онѣх бо сияние огненаго естества, сих же — ангельскому сродно; и онѣх течение земным на служение, сих же — душам на спасѣніе<sup>е</sup>. Славни небеснин орли высокопарни, и солнца зрители неприступнаго — не по естеству, но по причастию; и молчаще и вѣщающе учителье<sup>\*</sup>; духовных сотов дѣлателныя пчелы; “чистии сердцем”<sup>з</sup> сосуди Божественных великолѣбствии, великое оно еже по образу дарование добрѣ сохраньше; дѣлателие евангельстии, тѣсными прошедше // жития сего враты, и тѣсным и прискорбным шествовавше путем, якоже рече Господь: “В мирѣ скорбь имате”<sup>и</sup>; тако волею скорбну и нужну и удавну свою имѣша жизнь, вѣдающе, премудрий, яко и в сем истинъствует Давыд, по “водворении вечерняго плача, глаголя, воскресѣния радость”<sup>к</sup>.

Достоит бо сократити повѣсть, а не лихомудрѣствовати<sup>л</sup>. Что бо ми много повѣстей исчитати знаменоносных отец? Постигнет бо лѣто, постизая мя повѣствующа; море горстию любопрѣтия премѣрити — бывающая от них чудеса исчитати есть<sup>м</sup>. Но, о мужие, елма же намнозѣ бесѣду прострохом, повѣствующе почасти пребывание священных сих муж, но вижду бо<sup>н</sup> мысли своя не сущая съти, и разумы множаишша приемлюща, и в безмѣрство вѣходяща, да аще ся не востягну убоявъ, и оставлю помышляти о святых // сих житии и чудодѣбствиих, то недостанет ми и день, величества сих худым сим языком сказующ вам.

Но требѣ есть ясён глас, и брецалу возоспящатися<sup>п</sup>; со словесем бо и мысль грядет, и отнемогается с языком и мысль<sup>р</sup>. Но аще и отнемог есть гласныи сосуд, но ко обычнѣи надежди

<sup>в</sup>На полях сноска Плач Иеремии, глава 4, стих 7. <sup>г</sup>На полях позднейшая помета рукою старца Сергия, сделанная более светлыми чернилами Здѣ пиши о благовѣрных князех съ столпца. <sup>д</sup>На полях сноска Григорий Самблак. Слово похвально отцем. <sup>е</sup>На полях сноска Василий Великий. Шестоднев, слово 1. <sup>\*</sup>На полях сноска Богослов, слово 9, стих 5. <sup>з</sup>На полях сноска Матф. 10. <sup>и</sup>На полях сноска Иоанн, 55. <sup>к</sup>На полях сноска Псалом 29. <sup>л</sup>На полях сноска Лѣствица. К пастью слово. <sup>м</sup>На полях сноска Слово похвальное Зосимѣ. <sup>н</sup>Слово написано над строкой. <sup>о</sup>На полях сноска Иоанн Ексарх. Слово 3. <sup>п</sup>В ркп. испр., первоначально было взятымся. <sup>р</sup>На полях сноска Иоанн Ексарх, слово 4.

приища и молитвы святых подвшед, вѣрую дати ми ся имать слово, не моего ради глаголющаго достоинства, но послушающих ради жадания. Аще и недостоин есмь святых, но и тии тожде суть прияли, и немощию плотною спону приемаху; свѣтътельствует Давыд, глаголя: “Утрудихся<sup>с</sup> зовыи, и<sup>т</sup> измолче гортань мои”<sup>у</sup>. Лучше глаголати измолько, глаголет, красное, или, ясен имущу глас, развращену имѣти душу.

ФВы же любовию труд помажите и простите ми страсть, хлюбы бо есть поистиннѣ страсть<sup>х</sup>, от сладости бо еже о мужех сих словес изыти не могу, но и еще // паки слова образ на слово возвожу.

¶Понеже не постигохом повѣстей их течения, посредѣ оставльше, отити, паки их доброты собирание ткуще, глаголем здѣ, яко приближишася к горѣ святѣи, и на небо око простроща, и на степень ногу возведоша, и текоша и востекоша и возвышишася, и “взыдоша на херувим добродѣтелей, и возлетѣша”<sup>ч</sup>, и взыдоша в воскликновении, врага побѣждьше, и предптия сотвориша и предвориша, паче же еще и нынѣ варяют и предводят всѣх нас, на самыи верх востекше преподобныя лѣствица и присоединившеся любви, любовь же есть Бог.

¶Сия вам моих словес начинания, сия вам словесем честь и страдания<sup>ш</sup>, о пречестныя и преподобныя главы! И здѣ ми есть уставити<sup>в</sup> слово, аще не достоинно уставления<sup>в</sup>; и аще // ваших трудов и потов достоинно слово, благодарствим единороднаго Сына Божия и Слова, Того бо есть дар, еже мощи ми рещи что достоинно вашея доброты; аще ли истинны скуднѣе, обаче противу моей силы есть. Вы же нас свыше назираите милостивнѣ и мирно нас провожайте в жизни сеи, и нынѣ стречющаго мя и смущающаго молитвами вашими без вѣсти сотворите от мене, присно невредна мя от него соблюдаите, и святыя и препѣтвия Троица сияние, Еиже вы нынѣ предстатели, совершенїище же нам даруйте, — Еиже покланяемся, Юже славим, Еиже соживьствуем, покланяющеся Отцу в Сынѣ, и Сыну в Святѣм Дусѣ, Еиже предстанем послѣжде чисти и непредкновени, Еиже да причастимъся совершенѣ, аще и велико есть просимое, о самом Христѣ Господѣ нашем.

Подготовка текста О. Панченко

<sup>с</sup>В ркп. испр., первоначально было утрудих. <sup>т</sup>Доб. над строкой. <sup>у</sup>На полях сноска Псалом 68. <sup>ф</sup>На полях сноска Слово похвальное Зосимѣ. <sup>х-х</sup>Фраза доб. на полях; там же сноска Богослов, слово 9, ст.14. <sup>ч</sup>На полях сноска Лѣствица. Слово к пастырю. <sup>ш</sup>На полях сноска Псалом 17. <sup>щ</sup>На полях сноска Слово похвальное Зосимѣ Соловецкому. <sup>ш</sup>На полях сноска Богослов, слово 5, стих 29. <sup>в</sup>В ркп. испр., первоначально было ставити. <sup>в</sup>В ркп. испр., первоначально было ставления.